

Certificazion linguistiche de Lenghe Furlane

Simulazion de prove Nivel A

Al corrispuint al nivel A2 dal Cuadri comun european di riferiment pes lenghis

Comprension scrite

Comprension scrite

Nivel A

Informazions su la prove

Inte prove di comprension scrite i candidâts a varan di rispuindi in forme scrite a une serie di domandis formuladis par furlan, su plui argoments.

La gridele chi sot e furnîs altris dâts utii:

Durade massime de prove	40 minûts
Minim dai ponts	18
Massim dai ponts	30

Tes pagjinis seguitivis si ripuarte un esempi di prove.

Comprension scrite

Nivel A

1. Lei chescj tescj e segne la rispueste juste.

Ciristu cjase?

O cirin un coincuilin par une cjamare grande, une vore iluminade, intune cjase par trê personis cuntun bagn, la cusine e une sale spaziose. La sistemazion e je dongje de fermade dal autobus e de stazion dai trens. Nus larès miôr cjatâ un student, come noaltris. No animâi, parcè che o vin za un cjan. Ven a viodi la cjamare! Clame il 0432 5431312 par vê plui informazions e par savê trop che al è di fit al mês.

1. Tal avîs si dîs che...

- a) a son un bagn, une sale e une cusine piçule
- b) a son doi bagns e une sale spaziose
- c) a son une cusine, un bagn e une sale grande

2. I incuilins...

- a) a àn miôr condividi la cjase cuntun student
- b) a cirin dôs personis
- c) a afitin un apartament par cuatri personis

3. La proprietât e je dongje...

- a) dal ospedâl
- b) di fermadis dai mieçs di traspuart
- c) de facoltât di lenghis



Comprension scrite

Nivel A

Il marcjât al torne a vierzi

Dopo vê aprofitât de polse estive par fâ tancj cambiaments, o tornìn a vierzi cui 10 di Setembar. Intun ambient rinovât, plui iluminât e ospitâl, o cjatarêš la cjar, lis pomis, il pes e i bancuts di simpri. E dut a bon presit, come prin!

O sarin vierts par plui oris: des 7.30 aes 18.00. Vignît a cjatânus in vie Pradaman, n. 57.

O podêš rivâ ancje cul autobus numar 6: la fermade e je denant de jentrade, di chê altre bande de strade.

4. Tal avîs si dîs che...

- a) al torne a vierzi dome in Autun
- b) al ufrîs mancul prodots
- c) al à un orari diferent

5. Tal gnûf marcjât...

- a) a àn fat lavôrs par miorâ la struture
- b) dut al coste tant di plui
- c) a vendin dome cjar e pomis

6. Par rivâ li dal marcjât...

- a) cuant che si dismonte dal autobus, si à di passâ la strade
- b) si à par fuarce di doprâ la machine
- c) no son fermadis dai mieçs publics dongje



Comprension scrite

Nivel A

Un zîr tal zoo safari

Il zoo safari di Ravenna si pues visitâlu cu la machine, cuntun trenin o a pît. Se si decît di lâ a pît, la zone che si viôt e je diferente di chê che si esplore cu la machine e cul trenin, e ancje i animâi che si viodaran a son diferents.

La sielte miôr e je chê di cjapâ il trenin dentri dal zoo: tai vasons a son selis di carotis a gratis che si puedin dâ di mangjâ ai animâi intant che si va indenant cu la visite. Us conseîl di dividi lis carotis prin di partî e di no dâlis dutis aes zirafis, par vie che si svicinaran ancje lis zebris.

La spiegazion de vuide e sarà divertente e interessante e nissun si stufarà.

7. Par visitâ il zoo safari...

- a) si pues dome lâ a pît o cul trenin
- b) si pues lâ ancje cu la machine
- c) si à di cjapâ un trenin prin di jentrâ dentri

8. Il trenin...

- a) al è furnît di seglots cun dentri verduris diferentis
- b) al fâs il stes percors di cui che al va a pît
- c) al permet ai visitadôrs di dâ di mangjâ aes bestiis intant che si fâs il zîr

9. Ce che al ven spiegât...

- a) al è avonde noiôs
- b) al plasarà a ducj
- c) al è interessant dome pai plui piçui



Comprension scrite

Nivel A

2. Coleghe lis frasis de colone a man çampe cun chês a man drete in maniere coerente. Trê frasis de colone a man drete no van colegadis.

- | | |
|----------------------------------|---------------------------------------|
| 1. Mi displâs | a) però no stin a tornâ tarts |
| 2. Par plasê va tu | b) cun tante fadie |
| 3. Pauli nol à la machine | c) al va simpri cu la biciclete |
| 4. Mi cjatais a cjase | d) a curâ une carie |
| 5. No mi visi mai | e) a cjoli alc di bevi |
| 6. Usnot o ven ator cun te | f) ma no pues rispuindi |
| 7. Par restâ in forme | g) par pluì di un mê |
| 8. Al veve tante sêt e al è lâ | h) a vierzi la puarte |
| 9. Valerio al è stât dal dentist | i) dome dopo des vot di sere |
| | l) lu à cirût dut il dì |
| | m) alore mi à domandât di acompagnâlu |
| | n) trops agns che al à |



Comprension scrite

Nivel A

3. Ca sot tu cjatis la descrizion in struc di 6 libris: regaliju a 6 des 9 personis te seconde tabelle, daûr des lôr passions.

1	2
<p><i>Mont incjantât</i></p> <p>Un libri fotografic plen di imajjins di paisaços e di animâi maraveôs.</p>	<p><i>Cogo in 5 minûts</i></p> <p>Il libri ideâl par cui che al vûl imparâ a fâ di mangjâ ma al è a dizun di cusine!</p>
3	4
<p><i>La vuide dal atôr perfet</i></p> <p>Un libri par ducj chei che no son nassûts atôrs, ma che a vuelin imparâ la art de recitazion.</p>	<p><i>La scune si jemple</i></p> <p>Il manuâl ideâl par tirâ sù il vuestri frutin cun dut ce che i (e us) covente.</p>
5	6
<p><i>Transsiberiane</i></p> <p>Vivêt une aventure magjiche tal cûr dal continent asiatic, suntun tren unic tal so gjenar.</p>	<p><i>L'anuari de Serie A</i></p> <p>Risultâts, statistichis, curiositâts e fotografiis ineditis dal ultin campionât!</p>



Comprension scrite

Nivel A

Personis	1	2	3	4	5	6
Marie e viaze dispès						
Ricart al fâs un cors di teatri						
Iris e studie francês						
Tomâs al è president di une squadre di balon						
Carli al è un apassionât di architecture						
Michêl al deventarà pari in curt						
Eline e varès gust di fâ un cors di cuisine						
Dree al à une grande passion pe nature						
Cristian al fâs windsurf						

Comprehension scrite

Nivel A**SOLUZIONI DAI ESERCIZI****Esercizi 1**

1.	c)
2.	a)
3.	b)
4.	c)
5.	a)
6.	a)
7.	b)
8.	c)
9.	b)

Esercizi 2

1.	f)
2.	h)
3.	m)
4.	i)
5.	n)
6.	a)
7.	c)
8.	e)
9.	d)

Esercizi 3

1.	Dree
2.	Eline
3.	Ricart
4.	Michêl
5.	Marie
6.	Tomâs